



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	UTUSAN MALAYSIA			
TARIKH	:	7/7/2021 (RABU)	MUKA SURAT	:	10
JABATAN	:	JPNP			

Siasat semua tanah haram di Pahang UM_7 Jul 2021_10

KUANTAN: Kerajaan negeri perlu melakukan operasi penguatkuasaan bukan hanya di daerah Raub dekat sini yang membabitkan pengusaha durian Musang King, malah di seluruh negeri ini bagi memastikan semua peneroka haram dikenakan tindakan sama. Langkah itu penting bagi memastikan semua yang terlibat dalam penerokaan tanah haram sama ada secara langsung atau tidak langsung dikenakan tindakan berlandaskan undang-

undang. Presiden Pertubuhan Suara Anak Pahang (PSAP), Haslihelmy Dm Zulhasli berkata, pertubuhan bukan kerajaan (NGO) itu berpandangan adalah mustahil penerokaan tanah haram melibatkan ribuan hektar di luar pengetahuan pihak yang bertanggungjawab. "PSAP menyokong penuh usaha kerajaan negeri membanteras penerokaan tanah haram yang rata-ratanya telah puluhan tahun dibuat, jangan berkompromi

dalam membanteras kegiatan itu. "Cuma kita berharap penguatkuasaan itu biarlah menyeluruh dan dilakukan di seluruh negeri ini, jangan gentar dengan provokasi dan tekanan," katanya dalam kenyataan di sini semalam. Haslihelmy berkata, lebih 17,000 ahli PSAP di seluruh negeri ini menyokong ketegasan kerajaan negeri dalam isu penerokaan tanah haram. "PSAP berharap kerajaan Pa-

hang akan terus konsisten di atas ketegasan yang dilaksanakan. "Jangan berganjak ke belakang atas segala tekanan dan provokasi melampau pihak berkaitan. PSAP akan terus memberikan sokongan padu kepada usaha kerajaan negeri," katanya. Jelasnya, selain PSAP, 16 badan gabungan NGO negeri ini turut bersama kerajaan negeri dan anggota keselamatan dalam menjalankan tugas penguatkuasaan penerokaan haram.



HASLHELMY DM ZULHASLI

